

Allannguutissatut siunnersuut
Uunga

Uunga siunnersuut: Kommunit aqunneqarnerat pillugu Inatsisartut inatsisaat nr. xx, xx. xx 2017-imeersoq

Pingajussaaneerneqarnissaanut Naalakkersuisunit saqqummiunneqartoq.

§ 6-imut.

1. § 6, imm. 1 aamma 2 imatut oqaasertalersorneqassapput:

“Kommunalbestyrelsip inissitsiterfiusumik ataatsimiinnermini aallaqqaasiullugu borgmesteri akunnerminit qinissavaa.”

Imm. 2. Ilaasortat najuuttut taasisut affaanit amerlanerusut qinigassanngortittoq qinerpassuk, qinigassanngortittoq borgmesteritut qinigaassaaq. Qinigassanngortittuni amerlanerusuteqartoqanngippat nutaamik qinersisoqaqqissaaq. Qinersineq taanna amerlanerusuteqavinnermik pilersitsinngippat qinigassanngortittut amerlanernit taaneqartut marluk akornanni pingajusaanik qinersisitsisoqassaaq. Qinersinermi taasinerit naligiissimappata qinersineq makitsinikkut aalajangerneqassaaq.“

§ 7-imut

2. § 7, imm. 1 imatut oqaasertalersorneqassaaq:

“Kommunalbestyrelsimut ilaasortaq kinaluunniit pisussaavoq borgmesterimut imaluunniit borgmesterip tullianut qinerneqarnerminik akuersissalluni.”

§ 8-mut

3. § 8, imm. 1 imatut oqaasertalersorneqassaaq:

“Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuuteqarfiit aallartinneri tamaasa, tamannalu pillugu Naalakkersuisut ilisimatinneqassapput.”

4. § 8, imm. 4 imatut oqaasertalersorneqassaaq:

“*Imm. 4.* Borgmesterip sapinngisamik kingusinnerpaamik kommunalbestyrelsip ataatsimiilernissaa ulluinnarnik sisamanik sioqqullugu oqaluserisassat allassimaffiat kommunalbestyrelsimut

ilaasortanut nassiuttassavaa, kiisalu sapinngisamik kingusinnerpaamik ataatsimiinnissaq ullunik pingasunik sioqqullugu suliat paasissutissallu oqaluuserisassani suliasat nalilernissaannut atorneqartussat nassiunneqassapput. Kommunalbestyrelsimut ilaasortat inatsisit naapertorlugit nipangiussisimasussaataitanermut maleruagassiat killissarititaasa iluanni suliasat kommunalbestyrelsimi oqaaluuserineqartussat inuit kommunalbestyrelsimut ilaasortaangitsut peqatigalugit misissuataarnissaannut pisinnaatitaapput.”

§ 11-mut

5. § 11, *imm.* 2 aamma 3 imatut oqaasertalersorneqassaapput:

“*Imm.* 2. Ilaasortaq ataatsimiinnermi peqataasinnaavoq oqarasuaatikkut imaluunniit videokonference telefaxiluunniit atorlugu, ilaasortap piumasaqaatit § 15, *imm.* 1-imi allassimasut naammassisinnaappagit, aammalu sinniisussamik ataatsimiigiaqqusisoqarsinnaappat.

Imm. 3. Kommunalbestyrelsip suleriaatsimini aalajangersarsinnaavaa ataatsimiinnerit oqarasuaatikkut videukkulluunniit kiisalu telefaxikkut ingerlanneqarsinnaasut, taamatullu aamma attaveqatigiinnermut periarfissat allat atorneqarsinnaasut”

§ 12-imut

6. § 12, *imm.* 1 aamma 2 imatut oqaasilersorneqassapput:

“Kommunalbestyrelsimut ilaasortaq kinaluunniit qinikkatut sulinerminut atatillugu suliasap aalajangersimasup inaarutaasumik inerneranik kommunip allaffeqarfiani inissisimasumik misissuataarisinnaatitaavoq.

Imm. 2. *Imm.* 1 malillugu suliamik takunnikkumanermik piumasaqaat borgmesterimut ingerlatinneqassaaq.”

§ 13-imut

7. § 13, imatut oqaasilersorneqassaaq:

“ § 13. Kommunalbestyrelsimut ilaasortap kialuunniit kommunip susassaqarfii pillugit apeqqutit sulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutininik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.”

§ 15-imut

8. § 15, imm. 1 aamma 2 imatut oqaasilersorneqassapput:

“Ilaasortaq kommunalbestyrelsip ataatsimiinnissaani napparsimanini, naartunini, erninini, meeravissartaarnini, inuiaqatigiinni sullissisussaataalluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaangitsup qinigaqatigisimasaasa, aamma kattusseqatigiinnit kisimiillutik qinigassanngortissimasut, piumasarisinnaavaat sinniisussap ataatsimiigiaqquneqarnissaa. Inissitsiterfiusumik ataatsimiinnermi, imaluunniit aningaasartuutissanut missingersuutit aappassaaneerreqarnerannut atatillugu, sinniisussap ataatsimiigiaqquneqarnissaa piumasarineqarsinnaavoq allamik peqquteqarluni ilaasortaq ataatsimeeqataasinnaangippat. Qinigassanngorteqatigiinni ilaasortamik qinikkamik ataatsimiigiaqqusinnissamik piumasaaqateqartoqarsinnaangippat sinniisussap nammineq piumasaaqatigisinnaavaa ataatsimiigiaqquneqarnissani.

Imm. 2. Kommunalbestyrelsimut ilaasortaq imm. 1-imi taagorneqartuni pissuteqarluni qaammatit marluk sinnerlugit suliassanik isumagisaqarnissamik pisinnaangitsooq, kommunalbestyrelsimut ilaasortaq akissaateqarani sulinngiffeqarallarnissamik qinnuteqassaaq, taamaattorli tak. § 56, imm. 8. Sulinngiffeqarallarnissamik qinnuteqaat borgmesterimut nassiunneqassaaq, qinnuteqaallu imaqassaaq pissutaasutut tunuliaqutaasooq pillugu paasissutissamik aamma taamatut pisinnaanginnermut pissutaasup qanoq sivisutiginnissaa naatsorsuutigineqarnerooq. Qinnuteqarnermut atatillugu uppersaataat pisariaqartut qinnuteqaammut ilaatinneqassapput imaluunniit borgmesterip taakkuninnga noqqaassuteqarneratigut nassiunneqassapput. Borgmesterip sinniissussaq kommunalbestyrelsip ataatsimiinnissaanut tulliuttumut siullermut ataatsimiigiaqqussavaa.”

§ 21-imut

9. § 21, imatut oqaasilersorneqassaaq:

“**§ 21.** Kommunip pigisanik aalaakkaasunik pisineranut tunisineranut, taarsigassarsineranut aammalu qularnaveeqqusiisutut imminut pisussanngortinneri pillugit pappiaqqat borgmesterimit imaluunniit borgmesterip tullianit aammalu inummit kommunalbestyrelsimut piginnaatinneqartumit atsiorneqartassapput.”

§ 24-imut

10. § 24, imm. 2 – 3 imatut oqaasilersorneqassapput:

“*Imm. 2.* Borgmesteri aningaasaqarnermut ataatsimiititaliami siulittaasuvoq. Ilaasortat sinneri kommunalbestyrelsimut ilaasortat akornannit qinerneqassapput.

Imm. 3. Aningaasaqarnermut ataatsimiititaliami ilaasortat akunnattumik amerlassuseqassapput aamma kommunalbestyrelsimut ilaasortat affaat qaangersimassanngilaat. Ilaasortanut tamanut,

taamaallaat borgmesteri pinnagu, sinniisussanik qinersisoqassaaq, taakkualu ilaasortaasut najuussinnaannginneranni ataatsimeeqataasinnaanngorlugit ataatsimiigiaqquneqartassapput.”

§ 25-imut

11. § 25, imm. 1 nr. 4 imatut oqaasilersorneqassapput:

“4) Aningaasaqarnermik pilersaarusernermut, ataatsimiititaliat ataavartut kommunalbestyrelsimut inassuteqartarnerannut pituttuisunik, nalinginnaasumik tunngavissiorneq”

12. § 25, imm. 3 imatut oqaasilersorneqassapput:

“Imm. 3. Kommunalbestyrelsimut ilaasortat aningaasaqarnermut ataatsimiititaliami ilaasortaangitsut pisinnaatitaapput ataatsimiititaliap ukiumut pilersaaruserfiusumut missingersuuserfiusunullu aningaasartuutissanut missingersuusaa inaarutaasumik suliarineqarneranni oqaaseqarsinnaanatik peqataanissaminut.”

§ 26-imut

13. § 26, imm. 2 imatut oqaasilersorneqassaaq:

“Imm. 2. Ataatsimiititaliani ataavartuni ilaasortat akunnattumik amerlassuseqassapput, taakkulu kommunalbestyrelsillu ilaasortaasa affaanit amerlaneruserinnaanngillat. Ataatsimiititaliani ataavartuni ilaasortat kommunalbestyrelsimut ilaasortat akornanni qinerneqassapput, aammalu ilaasortat tamarmik immikkut sinniisissaannik, ataatsimiititaliami ilaasortanik nalinginnaasunik ilaajunnaartoqartillugu ataatsimiititaliamut ataatsimiigiartussatut aggersarneqarsinnaasunik toqqaasoqassaaq.”

§ 27-imut

14. § 27, imm. 1 imatut oqaasilersorneqassaaq:

“Ataatsimiititaliat ataavartut siulittaasussatik namminneq qinertassavaat. Ataatsimiititaliami ataavartuni ilaasortaq kinaluunniit pisussaavoq siulittaasutut qinigaanini akuerissallugu. Ataatsimiititaliami siulittaasup ataatsimiititaliap ataavartut ataatsimiinnissai piareersartassavai, ataatsimiigiaqqusisassalluni ataatsimiinnerit siulersortassallugit ataatsimiinnernilu aalajangiinerit aalajangiinernut imaqarniliamut allanneqarnissaat akisussaaffigalugu.”

§ 28-mut

15. § 28, imm. 1 imatut oqaasilersorneqassapput:

“Ataatsimiititaliat ataavartut sulinertik ataatsimiinnerminni ingerlattassavaat. Ataatsimiititaliat ataavartut aalajangiislinnaassuseqartarput ilaasortat minnerpaamik affaat ataatsimiinnermi peqataagaangata. Ataatsimiititaliat ataavartut ilaasortamit piunasaqartoqarnera tunngavigalugu aalajangersinnaapput ilaasortaq nalunaarasuartaatitigut attaveqatigiinnermut atortut atorlugit ataatsimiinnermi peqataasinnaappat”

16. § 28, imm. 3-5 imatut oqaasilersorneqassapput:

“*Imm. 3.* § 16 naapertorlugu aalajangiinnermik imaqarniliat pillugit malittarisassat, taamatuttaaq ataatsimiititalianut ataavartunut atuutissapput. Ataatsimiititaliani ataavartuni siulittaasut isumannaartassavaat aalajangiinnernut imaqarniliat ataatsimeeqataasunit atsiorneqartarnissaat, Naalakkersuisunullu nassiunneqarnissaat.”

“*Imm. 4.* Ataatsimiititaliani ataavartuni allattoqarnikkut suliassat isumagineqarnissaat siunertaralugu inuit kommunimi atorfeqartinneqartut ataatsimiititaliat ataavartut ataatsimiinnerinut najuussinnaapput. Ataatsimiititaliani ataavartuni aalajangerneqarsinnaavoq inuit allat, tassunga ilanngullugit kommunalbestyrelsimut ilaasortat ataatsimiititaliap isumaqatigiinniarnani alaatsinaattuusinnaasut, tamanna kissaatigineqarpat suliap ersarissaavigineqarnissaanut atatillugu.”

“*Imm. 5.* Kommunalbestyrelsimut ilaasortaq kinaluunniit, nipangiussisimasussaataaneq pillugu inatsisiliornikkut maleruagassat killissarititaat killigalugit, qinnuteqareermigut pisinnaatitaavoq oqaluuserisassat allattorsimaffiinik aamma aalajangiinnernut imaqarniliat allattorsimaffiinik ataatsimiititaliani ilaasortaaffiginngisaraluamini ilaasortaanut nassiunneqartartunik, aammalu qinnuteqareernikkut ataasiakkaatigut suliassanut tunngasunik ataatsimiititaliami ilaasortanut nassiunneqartut assigisaannik nassinneqarnissaminut.”

§ 29-imut

17. § 29, imm. 1 imatut oqaasilersorneqassaaq:

“Ataatsimiititaliat ataavartut suliassaraat imminnut suliakkiissutigineqartut ukiumoortumik aningaasanut missingersuusiap akuerineqarsimasup iluani aammalu kommunalbestyrelsip akuersissutigisimasai allat naapertorlugit. Ataatsimiititaliat ataavartut aningaasanik atuinerit aningaasat akuerineqarsimasunit nikingannginnissaat nakkutigissavaat aammalu aningaasaqarnermut ataatsimiititaliaq aqqutigalugu kommunalbestyrelsimut siunnersuuteqassallutik aningaasat ilassutissat akuersissutissat kissaatiginartutut pisariaqartutulluunniit isumaqarfiginarpata.”

§ 32-mut

18. § 32, imatut oqaasertalerneqassaaq:

“ § 32. Kommunalbestyrelse kommunerisami illoqarfinnut tamanut najukkami ataatsimiititaliamik pilersitsissaaq.

Imm. 2. Kommunalbestyrelse najukkami ataatsimiititalianut qinersinissaq pillugu maleruagassiussaaq, aamma aalajangissavaa qanoq annertutigisumik peqatigiiffiit, matumanilu politikikkut partiit aamma kattusseqatigiit imaluunniit allat qanoq aalajangiitigisinnaassanersut, najukkami ataatsimiititaliamut ilaasortassatut kikkut qiningassanngortissallugit imaluunniit kikkut najukkami ataatsimiititaliap ataatsimiinneranut alaatsinaattutut peqataasinnaassanersut innersuutissallugit.

Imm. 3. Najukkani ataatsimiititaliat kommunalbestyrelsip suliakkiineratigut aalajangersimasunik suliaqartarsinnaapput.

Imm. 4. Kommunalbestyrelse aningaasanik atugassanngortitsissaaq najukkani ataatsimiititaliat atorsinnaasaannik. Aningaasat tamanik tusarniaanernut, kultureqarnermut, timersornermut inuiaqatigiinnilu sulissutigineqartunut atorneqartassapput.

Imm. 5. Najukkani ataatsimiititaliat kommunalbestyrelsimut, aningaasaqarnermut ataatsimiititaliamut imaluunniit ataatsimiititalianut ataavartunut siunnersuisartuusinnaapput.

Imm. 6. Kommunalbestyrelse najukkani ataatsimiititaliat sulinerannut malittarisassanik aalajangersaassaaq, taamatuttaaq imaqarniliortartussaataaneq, naatsorsuusiortussaataaneq aamma missingersuutitut tunngatillugu atugassanngortitsinernik akuersissuteqartarnerit pillugit.

Imm. 7. Najukkami ataatsimiititaliami ilaasortanut, kommunalbestyrelsimut ilaasortaangitsunut, kommunalbestyrelse aalajangersimasumik angissusilikkamik aningaasarsiaqartitsisinnaavoq. Aningaasarsiaritineqartussat tunniunneqarsinnaapput Naalackersuisut aalajangersagaat tak. § 56, imm. 6 malillugu amerlanerpaaffiliussat sippornagit.

Imm. 8. Kommunalbestyrelsimut, aningaasaqarnermut ataatsimiititaliami imaluunniit ataatsimiititaliani ataavartuni suliaassat suliarineqarnerannut atatillugu immikkut ilisimasaqartut aamma paasisimasallit imaluunniit immikkut ittunik soqutigisallit ilaatinneqartarnissaat siunertaralugu kommunalbestyrelse ataatsimiititalianik immikkut ittunik pilersitsisinnaavoq.

Imm. 9. Ataatsimiititaliat imm. 1-imi aamma 8-imi taaneqartut kommunalbestyrelsip atuuffissaata iluani piffissami aalajangersimaqqissaartumi atuuttussanngorlugit qanorluunniit ilinikkut pilersinneqarsinnaapput.

Imm. 10. Najukkani ataatsimiititalianut qinigassanngortittoqanngippat kommunalbestyrelse aalajangiisinnaavoq najukkani ataatsimiititaliassanut qinersisoqassanngitsoq.

Imm. 11. Kommunalbestyrelsip nakkutigissavaa najukkani ataatsimiititaliat ingerlatsinerminni malittarisassat inatsimmi matumani pisortallu ingerlatsinerannut maleruagassani allani allassimasut naapertorlugit ingerlatsinerat.”

§ 34-imut

19. § 34 imatut oqaasertalerneqassaaq:

“ § 34. Kommunalbestyrelse ataatsimiititaliaqarnikkut aaqqissuussaanerup allangortinneqarneranut atatillugu aalajangiisinnaavoq

- 1) ataatsimiititalianik ataavartunik pilersitsissalluni imaluunniit atorunnaarsitsissalluni,
- 2) ataatsimiititaliap ataavartup ilaasortaasa amerlassusii allangortinneqassasut imaluunniit
- 3) ataatsimiititaliat ataavartut akornanni suliaasat agguataarnerat allangortinneqassasut.

Imm. 2. Ataatsimiititaliaqarnikkut aaqqissuussaanerup allangortinnerani imm. 1-imi taaneqartutut ingerlanneqassapput kommunip aqutsinissamik ileqqoreqqusaata allangortinneqarnissaa pillugu § 1, imm. 2-mi maleruagassat malillugit.

Imm. 3. Ataatsimiititaliaqarnikkut aaqqissuussaanerup allangornerani kommunalbestyrelsimut ilaasortap ataatsip piumasarippagu, aningaasaqarnermut ataatsimiititaliami ataavartumillu ataatsimiititaliani tamani inissitsiterisoqaqqissaaq.”

§ 35-imut

20. § 35 imatut oqaasertalerneqassaaq:

“ § 35. Kommunalbestyrelsimut ilaasortat pisussaapput ataatsimiititalianut il.il. qinigaanitik akuerissallugit, tak. §§ 24, 26, 31 kiisalu 32, aammalu suliaasat allat kommunalbestyrelsip akuersineratigut suliareqquneqartut.”

§ 36-imut

21. § 36, *imm. 3* imatut oqaasertalerneqassaaq:

“*Imm. 3.* Ataatsimiititalianut il.il. ilaasortassanik kommunalbestyrelsimut ilaasortat ilaasortaangitsullu akornanni qinersisoqassagaangat ilaasortat kommunalbestyrelsip toqqagassai tamarmik qinerneqassapput qanoq amerlassuseqarneq tunngavigalugu ataatsimiititalianut tamanut. Suleqatigiit ilaasortaataqartussat tulleriarlutik kommunalbestyrelsimut ilaasortat ilaasortaangitsullu toqqartussavaat inissat tamarmiusut inuttalerneqarnissaasa tungaanut.”

§ 39-mut

22. § 39, *imm. 4* imatut oqaasertalersorneqassaaq:

“*Imm. 4.* Ataatsimiititaliaq ilaasortap suleqataasinnaanginneranik aalajangiippat, sinnisussamik aggersaasoqarsimangitsaq, taava kommunalbestyrelsimut ilaasortat pineqartup qinigaaqatigisimasaasa, aamma pineqartut kisimiilluni qinigaasimappat, ilaasortaq nammineq, piumasaqarsinnaapput suliaq tulliani ataatsimiinnissamut kinguartinneqassasq. Kinguartitsisinnaanerli periarfissaqassanngilaq kinguartitsinerup kingunerissappagu piffissaliussat kommunip pisussaaffigisaasa eqqortinneqarsinnaanginnerat.”

§ 44-mut

23. § 44, *imm.* 2 imatut oqaasertalerneqassaaq:

“*Imm.* 2. Kommunalbestyrelse aningaasanut missingersuusiani aningaasanik immikkoortitsissaaq nunaqarfimmi aqutsisut nammineerlutik aalajangiinerminni atugassaanik makkunani:

- 1) Kulturimut inunnillu paasisitsiniaanermut.
- 2) Timersornermut tunngasunut.
- 3) Teknikkikkut ingerlatsivinnut pilersuinernullu.
- 4) Nunaqarfimmi inuutissarsiutinut tunngasunik suliniutinut.
- 5) Innuttaasunut sammisassaqaartitsineq.”

§ 45-imut

24. § 45, *imm.* 1 imatut oqaasertalerneqassaaq:

“Nunaqarfimmi aqutsisut siulittaasuata nakkutigissavaa nunaqarfiup suliassaatai nunaqarfimmi aqutsisut suleriaasaat aammalu pisortatigut maleruagassat atuuttut naapertorlugit ingerlanneqarnersut.”

§ 46-imut

25. § 46, *imm.* 2 imatut oqaasertalerneqassaaq:

”*Imm.* 2. Kommunalbestyrelsip aalajangersinnaavaa nunaqarfimmi aqutsisut siulittaasui aningaasat amerlanerpaaffissaat Naalackersuisunit aalajangersakkat sinnernagit ilassutitut aningaasarsiaqartinniarlugit, tak. § 56, *imm.* 6.”

§ 47-mut

26. § 47, *imm.* 2 imatut oqaasertalerneqassaaq:

“*Imm.* 2. Naalackersuisut nakkutilliissanngillat immikkut naammagittaalliuteqartarfiit nakkutilliisuutitalu aalajangiiffigisinnaasaanni suliaasuni.”

§ 50-imut

27. § 50, *imm.* 1 nr. 3 imatut oqaasertalerneqassaaq:

“(3) ilaasortat marluk kommunini qinersisoqareernerit tamaasa kommunalbestyrelsimut ilaasortat akornannit kommuninit ataatsimoortunit toqqarneqartut.”

28. § 50, imm. 4 imm. 3 kingorna aalajangersagaq nutaaq ikkunneqassaaq ima oqaasertalerneqassaaq:

“*Imm. 4.* Naalakkersuisut Nakkutilliisoqarfimmi ilaasortassanik sinniisussanillu toqqaanissamut maleruagassiorsinnaapput.”

§ 55-imut

29. § 55, imm. 2 nr. 2 imatut oqaasertalerneqassaaq:

“2) inatsisiliernerup allatigut naammagittaalliteqarnissaq periarfissaqartinngippagu mianerisassallu annertuut, pingaartumik inuttut soqutigisat tamatumunnga akerliusumik aporfiumngippata.”

§ 56-imut

30. § 56, imm. 1 imatut oqaasertalerneqassaaq:

“Kommunalbestyrelsimut ilaasortanut aalajangersimasumik akissarsiaqartitsisoqartassaaq. Ilaasortat akissarsiaannut ilaapput:

- 1) kommunalbestyrelsip ataatsimiinnerini peqataanermut kommunalbestyrelsimilu ataatsimiititaliani ataatsimiinnernut taakkulu ataani ataatsimiititaliani ataatsimiinnerni peqataanerit,
- 2) kommunalbestyrelsinut qinersereernerup kingorna kommunip sullinneranut atasunut ataatsimiinnernut, allanik aalajangersakkanik immikkut tunngaveqartumik akissarsiaqartitsisoqanngippat,
- 3) pikkorissarnermut peqataanermut, kommunalbestyrelsimut imaluunniit aningaasaqarnermut ataatsimiititaliamit kommunalbestyrelsimiit pisinnaatinneqarneq naapertorlugu sulinermut pingaaruteqartutut isigineqartuni, nr. 1-imi 2-milu suliat pineqartut tunngavigalugit,
- 4) isumasioqatigiinnernut peqataanermut,
- 5) kukkuniarsuisut nalunaarutaata saqqummiunneqarnerani peqataanernut,
- 6) kommunalbestyrelsimut imaluunniit ataatsimiititalianiit piumaffigineqarnerit tunngavigalugit kommunimi sulianik ingerlatsinerit aamma
- 7) suliaqarnerit allat nr. 1-imiit 6-imut ataatsimiinnerit taaneqartut il. il.:”

31. § 56, imm. 3-4 imatut oqaasertalerneqassapput:

“*Imm. 3.* Kommunalbestyrelsimut ilaasortamut sinniisutut isertoq aalajangersimasumik akissarsiaqartinneqassaaq piffissami kommunalbestyrelsimi suliffigisamini piffissaq pineqartoq minnerpaamik qaammatinik marlunnik sivilissuseqarsimappat. Assigisaanillu ilaasortaajunnaarallartup akissarsiai ilanngarneqassapput, piffissaq pineqartoq minnerpaamik qaammatinik marlunnik sivilissuseqarpat.

Imm. 4. Kommunalbestyrelsimut ilaasortaq minnerpaamik qaammatinik marlunnik sivilissusilimmik ataatsimiititaliami ataavartumi siulittaasuugallartoq ilassutitut akissarsiaqartinneqassaaq imm. 2 naapertorlugu. Assigisaanillu ataatsimiititaliami

siulittaasuujunnaarallartup ilassutitut akissarsiai ilanngaatigineqassapput, ataatsimiititaliami siulittaasoq pineqartoq qaammatit marluk sinnerlugit peqanngitsussaappat.”

§ 61-imut

32. § 61, *imm.* 1 imatut oqaasilersorneqassaaq:

“Kommunalbestyrelse inatsisit naapertorlugit pisussaaffimminik naammassinninngippat, Nakkutilliisoqarfiup kommunalbestyrelsimut ilaasortat ataasiakkaat pisunut akisussaasut pinngitsaaliissutinik akilersuisussanngortissinnaavai.”

§ 63-imut

33. § 63, *imm.* 1 imatut oqaasilersorneqassaaq:

“Kommunalbestyrelsimut ilaasortaq kommunalbestyrelsimut ilaasortatut pisussaaffimminik sakkortuumik sanioqquitsisoq pinngitsaaliissummik akiliisussanngortinneqarsinnaavoq.”

Allannguutissamut oqaaseqaatit

Nassuiaatit nalinginnaasut

Naalackersuisut allannguutissatut siunnersuummik matuminnga saqqummiussaqaqarnermini, Inatsiseqarnermut Ataatsimiititaliap illoqarfinni tamani najukkani ataatsimiititalianik pilersitsisoqarnissaanut inassuteqaataa akueraat. Kiisalu najukkani ataatsimiititalianik qinersisarneq pillugu aalajangersagaq erseqqissarneqarpoq, aammalu Naalackersuisut nunaqarfinni aqutsisuni siulittaasut akissarsiaannut tapeqartitsisarneq, aammalu Nakkutilliisoqarfimmut ilaasortassanik sinniisissanillu toqqaasarnerit pillugit maleruagassanik aalajangersaasarnissaannut inatsisitigut tunngavissamik ikkussisoqarluni. Kiisalu maanna siunertarineqarpoq oqaatsit kalaallisuuani kukkunertallit amigaatilluunniit iluarsiniarneqarput.

Allannguutissamut siunnersummut aalajangersakkanut ataasiakkaanut nassuiaatit

Nr. 1-imut

§ 6 Imm. 1-imut aamma imm. 2-mut

Aalajangersakkat atuuttumit kalaallisoortani oqaatsitigut naqqinnertalerlugu ingerlateqqitaapput.

Nr. 2-mut

§ 7 Imm. 1-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 3-mut

§ 8 Imm. 1-imut

Aalajangersakkat atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 4-mut

§ 8 imm. 4-mut

Aalajangersakkat atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 5-mut

§ 11 imm. 2-mut aamma 3-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 6-mut

§ 12 imm. 1-imut aamma imm. 2-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 7-mut

§ 13-imut

Aalajangersagaq atuuttumit kalaallisoortaani oqaatsitigut naqqinnertalerlugu ingerlateqqitaavoq.

Nr. 8-mut

§ 15 imm. 1-imut aamma imm. 2-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 9-mut

§ 21-mut

Aalajangersagaq atuuttumit kalaallisoortaani oqaatsitigut naqqinnertalerlugu ingerlateqqitaavoq.

Nr. 10-mut

§ 24 imm. 2-mut aamma imm. 3-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 11-mut

§ 25 imm. 1 nr. 4-mut

Aalajangersakkat atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 12-mut

§ 25 imm. 3-mut

Aalajangersakkat atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 13-mut

§ 26 imm. 2-mut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 14-mut

§ 27 imm. 1-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 15-imut

§ 28 imm. 1-imut

Aalajangersakkat atuuttumit kalaallisoortani oqaatsitigut naqqinnertalerlugit ingerlateqqitaavoq.

Nr. 16-imut

§ 28 imm. 3-mut, imm. 4-mut, 5-imut

Aalajangersakkat ilaatigut atuuttumit kalaallisoortani oqaatsitigut naqqinnertalerlugit ingerlateqqitaapput.

Nr. 17-imut

§ 29 imm. 1-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 18-imut

§ 32-mut

Aalajangersagaq ilaatigut §31a atuuttumit kalaallisoortani oqaatsitigut naqqinnertalerlugu ingerlateqqitaavoq. Aamma kommunalbestyrelse kommunerisami illoqarfinnut tamanut najukkami ataatsimiititaliamik pilersitsissasoq siunnersuutigineqarpoq. Aalajangersagaq Naalakkersuisut kommunini innuttaasut ataasiakkaat najukkaminut tunngasunik aalajangeeqataasinnaanissaannik kissaateqarnerannik pissuteqarpoq.

Nr. 19-imut

§ 34-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 20-imut

§ 35-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 21-imut

§ 36 imm. 3-mut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 22-mut

§ 39 imm. 4-mut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 23-mut

§ 44, imm. 2-mut

Aalajangersakkat atuuttumit kalaallisoortaani oqaatsitigut naqqinnertalerlugit ingerlateqqitaavoq. Aalajangersakkami siullertut nalunaarpaa, kommunip missingersuusiatigut nunaqarfinni aqutsisut aningaasanik atorsinnaasaannik tunineqassasut.

Nr. 24-imut

§ 45 imm. 1-imut

Aalajangersagaq atuuttumit kalaallisoortaani oqaatsitigut naqqinnertalerlugu ingerlateqqitaavoq.

Nr. 25-mut

§ 46 imm. 2-mut

Aalajangersagaq § 56-imik atuuttumik inatsisilerinikkut allannguutilerlugu ingerlatitseqqinneruvoq, piviusumilu allanngortitsisoqarnissaanik eqqarsaateqartoqanngilaq.

Peqatigisaanik ersarissarneqassaaq nunaqarfinni aqutsisunut ilassutitut akissarsiat tunngaviit Naalakkersuisunit aalajangersakkat naapertorlugit kommunalbestyrelsimit tunniunneqarsinnaapput. Naliliinerni siulittaasut akisussaaffii aamma suliaqarnikkut nammataat immikkut isiginiarneqartassapput.

Nr. 26-mut

§ 47 imm. 2-mut

Aalajangersagaq atuuttumit kalaallisoortaani oqaatsitigut naqqinnertalerlugu ingerlateqqitaavoq.

Nr. 27-mut

§ 50 imm. 1 nr. 3-mut

Aalajangersagaq atuuttumit kalaallisoortaani oqaatsitigut naqqinnertalerlugu ingerlateqqitaavoq.

Aalajangersagaq § 60-imik atuuttumik ingerlatitseqqiineruvoq. KANUKOKA-p aqqissuussaaniikkut allanngornerata kingunerisaanik aalajangersakkap imatut allangortinneqarnissaa siunnersuutigineqarpoq, Nakkutilliisoqarfimmut ilaasortassanik kommunit toqqaasarnerat KANUKOKA-meersuujunnaartillugu kommuninut isumagisassannortinneqassasoq. Taamatuttaaq siunnersuutigineqarpoq erseqqissarneqassasoq inissanik inueruttoqartillugu ilaasortassanik sinniisussanillu nutaanik toqqaasoqartalissasoq. Naalakkersuisut ilaasortassanik sinniisussanillu toqqaanissamut maleruagassiorsinnaassapput. Aamma allannguisoqarnissaa siunertarineqanngilaq.

Nr. 28-mut

§ 50 imm. 1 nr. 4-mut

Aalajangersagaq nutaajuvoq. Naalakkersuisut ilaasortassanik sinniisussanillu toqqaanissamut maleruagassiorsinnaanerannut tunngaviup kommunit peqatigiiffinni Nakkutilliisoqarfimmut ilaasortassanik toqqaanissaanut qulakkeerinninnissaq siunertaraa.

Nr. 29-imut

§ 55 imm. 2 nr. 2-mut

Aalajangersagaq atuuttumit kalaallisoortaani oqaatsitigut naqqinnertalerlugu ingerlateqqitaavoq.

Nr. 30-imut

§ 56 imm. 1-imut

Aalajangersakkat atuuttumit kalaallisoortaani oqaatsitigut naqqinnertalerlugit ingerlateqqitaavoq.

Nr. 31-imut

§ 56 imm. 3-mut aamma imm. 4-mut

Aalajangersakkat atuuttumit kalaallisoortaani oqaatsitigut naqqinnertalerlugit ingerlateqqitaapput.

13. november 2017

UKA 2017/106

Nr. 32-imut

§ 61 imm. 1-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.

Nr. 33-mut

§ 63 imm. 1-imut

Aalajangersagaq atuuttumit kalaallisoortani oqaatsitigut naqqinnertalerlugu ingerlateqqitaavoq.